

# ასტრიდ ლინდგრენი

გაიხსენე, რა გსმენია ასტრიდ ლინდგრენის შესახებ. წაიკითხე ტექსტი და გაეყვანი რამდენიმე ინფორმაციას მისი ბიოგრაფიიდან.

ასტრიდ ლინდგრენი შვედი მწერალია. იგი დაიბადა 1907 წლის 14 ნოემბერს. 18 წლამდე ოჯახთან ერთად ქალაქ ვიმერბიში ცხოვრობდა. შემდეგ სტოკჰოლმში დასახლდა. იქ დაიწყო მან საბავშვო წიგნების წერა.

პირველი წიგნი ასტრიდმა 38 წლისამ დაწერა. ეს იყო „პეპი გრძელწინდა“. მან საკუთარი ხელით აკინძა „პეპი“ და შეიღო აჩუქა. დაბეჭდვაზე კი უარი უთხრეს. გამომცემელს პეპი არ მოეწონა. თამამი, თავნება და მატყუარა გოგოაო. ალბათ, ეგონა, რომ მისგან სახეიროს ვერაფერს ისწავლიდა პატარა მკითხველი. მაგრამ მალე ასტრიდმა ერთ კონკურსში გაიმარჯვა და ჯილდოც მიიღო. ამას მოჰყვა ჯერ „პეპის“, მერე სხვა წიგნების გამოცემა. ბევრი მისი ნაწარმოები დაიდგა თეატრებში. გადაიღეს 40-ამდე ფილმი. წიგნები 80-ზე მეტ ენაზე ითარგმნა. ასე გაიცნო ასტრიდი მსოფლიომ. ამბობენ, მისი წიგნები რომ დაამწკრივო, დედამიწას სამჯერ შემოსწვდებაო.

ხასიათით ასტრიდი ყველაზე მეტად, ალბათ, პეპის ჰგავდა. მასავით კეთილი, მებრძოლი ადამიანი იყო. მუდამ სიმართლეს იცავდა.



ასტრიდს ძალიან უყვარდა ცხოველები. იგი წუხდა, რომ მათ ცუდად ეპყრობოდნენ. ასტრიდი ცხოველების დასაცავად იბრძოდა. მისმა აქტიურობამ მალე შედეგი გამოიღო. და აი, 1988 წელს ცხოველთა დაცვის შესახებ ახალი კანონი მიიღეს.

ასტრიდი ერთადერთი მწერალია, რომელსაც სიცოცხლეში დაუდგეს ძეგლი. ასევე გაუხსნეს მუზეუმი. შვედეთის საუკუნის ადამიანის ნოდებაც მიანიჭეს. მისი სახელი დაარქვეს ვარსკვლავს.

95 წლის ასტრიდი 2002 წელს გარდაიცვალა. მართალია, მისი წიგნების გმირები უცნაური ბავშვები ჩანან. ზოგი ზარმაცია, ზოგი – ჯიუტი. მაგრამ ყველა გაბედული, კეთილი და სამართლიანია, ამიტომ უყვართ ისინი ბავშვებს. მეტიც, ხშირად ჰბაძავენ კიდეც მათ.

რა გაიგე ახალი ასტრიდ ლინდგრენის შესახებ?

## ▶▶▶ ტექსტის გაგება

ყოველ შეკითხვას შეურჩიე თითო სწორი პასუხი.

### 1 რომელი წინადადება გადმოსცემს ფაქტს?

- ა) ამბობენ, ასტრიდის იმდენი წიგნია გამოცემული, რომ დედამიწას შემოსწვდებაო.
- ბ) გამომცემელს პეპი, ალბათ, არ მოეწონა, რადგან ზედმეტად თამამი ბავშვი იყო.
- გ) 38 წლის იყო ასტრიდი, როდესაც პირველი წიგნი „პეპი გრძელწინდა“ დაწერა.

### 2 ტექსტში გამოთქმულია მოსაზრება იმის შესახებ, თუ:

- ა) რატომ დაიწუნა გამომცემლობამ ასტრიდის „პეპი გრძელწინდა“.
- ბ) რატომ გადავიდა ასტრიდი საცხოვრებლად სტოკჰოლმში.
- გ) რატომ უყვარდა ასტრიდს ცხოველები განსაკუთრებით.

### 3 რომელ წინადადებაშია გამოთქმული მოსაზრება?

- ა) ასტრიდი, ალბათ, ბავშვების ყველაზე საყვარელი მწერალია.
- ბ) ასტრიდის წიგნები 80-ზე მეტ ენაზე ითარგმანა.
- გ) ასტრიდს შვედეთში ძეგლი სიცოცხლეშივე დაუდგეს.

### 4 ასტრიდის ნაწარმოებების ბეჭდვა დაიწყო მხოლოდ მას შემდეგ, რაც:

- ა) მან ერთ-ერთ კონკურსში გაიმარჯვა.
- ბ) მას შვედეთში მუზეუმი გაუხსნეს.
- გ) მისი სახელი ვარსკვლავს დაარქვეს.

### 5 ტექსტში არ ჩანს:

- ა) რამდენ ენაზეა თარგმნილი ასტრიდის წიგნები.
- ბ) როგორ გაიცნო ასტრიდი მთელმა მსოფლიომ.
- გ) რომელ წელს დაიბეჭდა პირველად ასტრიდის „პეპი“.

## ▶▶▶ ლექსიკა

### 1 გაარკვეე ხაზგასმული სიტყვების მნიშვნელობები.

1. პეპი თავნება გოგოა.

ა) ტრაბახა.      ბ) უხეში.      გ) ჯიუტი.

2. მწერალმა „პეპი“ საკუთარი ხელით აკინძა.

ა) ნახატებით გააფორმა.      ბ) რვეულში გადანერა.      გ) წიგნად შეკრა.

3. მისგან სახეიროს ვერაფერს ისწავლის ბავშვი.

ა) ახალს.      ბ) სასარგებლოს.      გ) სახალისოს.

4. ასტრიდი მებრძოლი ადამიანი იყო. მებრძოლი აქ ნიშნავს:

- ა) მეტისმეტად მკაცრს.
- ბ) საქმისთვის თავდადებულს.
- გ) ყოველთვის ყურადღებიანს.

### 2 რომელია საპირისპირო მნიშვნელობის სიტყვები (ანტონიმები)?

ა) კონკურსი – შეჯიბრება.      ბ) თამამი – ლალი.      გ) უარი – თანხმობა.

## ▶▶▶ გრამატიკა

### 1 სწორად დანერე ფრჩხილებში ჩასმული სიტყვები.

1. გაეცანი (მწერალი) ----- ბიოგრაფიას.

2. ასტრიდი დაიბადა 1907 (წელი) ----- 14 ნოემბერს.

3. „პეპი გრძელწინდა“ (გამომცემელი) ----- უარის გამო არ დაიბეჭდა.

### 2 სწორად შეარჩიე გამოტოვებული სიტყვა.

ასტრიდი ერთადერთი მწერალია, ----- სიცოცხლეში დაუდგეს ძეგლი.

(რომელსაც / ვისაც)



**3** იპოვე შეცდომები და აღნიშნე X-ით.

☒ ყავდა.

☐ ჰყავდა.

1. ☐ ჰბაძავენ.

☐ ბაძავენ.

2. ☐ 40-ამდე ფილმი.

☐ 40-ამდე ფილმები.

3. ☐ საბავშო.

☐ საბავშვო.

3. ☐ ერთათ.

☐ ერთად.

▶▶▶ **წერა**

**1** გამოთქვი მოსაზრება, რატომ შეიყვარეს ბავშვებმა ასტრიდ ლინდგრენის ნაწარმოებები.

-----

-----

-----

**1** დაწერე, რომელია შენი საყვარელი ნაწარმოები. გამოთქვი მოსაზრებები ამ ნაწარმოების შესახებ (რა მოგეწონა ყველაზე მეტად და რატომ). გამოიყენე სიტყვები: მე ვფიქრობ, ჩემი აზრით, ალბათ...

-----

-----

-----

-----

-----